



千金方衍義

176  
31



武宮門  
176  
31



孫真人千金方衍義卷二十四

長洲張平璐路玉著

南沙席世臣郢客校



解毒雜治方

凡八類

解食毒第一

論一首

方三十九首

論曰凡人跋涉山川不諳水土人畜飲啖誤中於毒  
素不知方多遭其斃豈非枉橫耶然而大聖久設其  
法以救活之正為貪生嗜樂忽而不學一朝逢遇便  
自甘心竟不識其所以今述神農黃帝解毒方法好  
事者可少留意焉

治諸食中毒方

飲黃龍湯及犀角汁無不治飲馬尿亦良

衍義

黃龍湯者坑廁中人屎汁也恣飲以酒助之須臾毒隨瀉去大渴不可飲水飲水則毒不得解而難救矣 毒勢方張則以犀角磨汁飲之抱朴子云犀食百艸之毒衆木之棘而能解毒者以其力能勝毒也 馬尿辟穢殺蟲則毒從穢泄

治飲食中毒煩滿方

以苦參三兩咬咀以酒二升半煮取一升頓服取吐愈

衍義

苦參苦寒降泄故能解毒毒盛於裏者頓服取吐則煩滿隨吐而解

治食百物中毒方

掘廁傍地深一尺以水滿坑中取廁籌七枚燒令烟以投坑中乃取水汁飲四五升卽愈急者不可得但掘地著水卽取飲之

又方

服生韭汁數升

又方

含貝子一枚須臾吐食物瘥

衍義毒盛於內而發熱氣逆者廁傍掘地攪水飲之其毒卽解較之地漿最捷 生韭汁散血解毒 口噤貝子聚涎沫含嚙以引食物上涌在上者因而越之也

治食六畜肉中毒方

各取六畜乾屎爲末水服佳 若自死六畜肉毒水服黃蘗末方寸匕須臾復與服佳

又方

燒小豆一升爲末服方寸匕神良

又方

水服竈底黃土方寸匕

衍義

借其所遺之穢以逐所中之毒須臾發熱則以黃蘗之苦寒泄之與前用苦參同意 小豆燒末取搜腎風 竈土水服取安土藏而攝毒邪也

治食生牛肉中毒方

掘地深三尺取下土三升以水五升煮土五六沸取上浮清者飲一升立愈

治食牛肉中毒方

狼牙燒灰水服方寸匕良

一作猪牙

又方

温湯服猪脂良

又方

水煮甘艸汁飲之

牛屬坤土肉最堅韌嘗見饑夫不待其熟乘生柔脆便食而致脹滿發熱但令掘地取土煮飲以安坤土土為萬物之母萬物所歸無所復傳其毒自已 若中瘟瘧牛毒則以狼牙燒服以本經專主邪氣熱氣也 猪脂滑腸温湯助泄則毒隨下解 甘艸煮飲總解諸毒

治食牛馬肉中毒方

飲人乳汁良

治食馬肉血洞下欲死方

豉二百粒

杏仁二十枚

右二味咬咀蒸五升米下飯熟搗之再服令盡又方

飲蘆根汁即解

治生食馬肝毒殺人方

牡鼠屎

二七枚兩頭尖者是

以水研飲之不瘥更作

治食野菜馬肝肉諸脯肉毒方

取頭垢如棗核大吞之起死人

又方

燒狗屎灰水和絞取汁飲之立愈

又方

燒猪骨為末水服方寸匕

治食百獸肝中毒方

頓服猪脂一斤佳亦治陳肉毒

衍義

人乳通利腸胃推而廣之牛乳醍醐未嘗不通利  
解毒也 豉解熱毒杏仁泄氣熬黑則因勢利導  
陷胸丸中法也 蘆根汁清利腸胃不但治食肉  
發熱并解河豚魚鱉諸毒 鼠屎專解陷入陰分

之毒 頭垢專嘔逆滿膈上之毒 燒狗屎灰專

解下焦脹閉之毒 燒猪骨灰專解中脘不納之

毒 猪脂頓服可使大便通而毒得下泄矣

治食狗肉不消心中堅或腹脹口乾大渴心急發

熱狂言妄語或洞下方

杏仁一升合皮研以沸湯三升和絞取汁分三  
服狗肉完片皆出即安良驗

治食猪肉中毒方

燒猪屎為末水服方寸匕犬屎亦佳

治漏脯毒方

張文仲云茅室諸  
水造脯為漏脯

搗韭汁服之良大豆汁亦得

治鬱肉濕脯毒方

張文仲云肉閉在密器中經宿者為濕脯

燒狗屎為末水服方寸七凡生肉熟肉皆不用深藏密蓋不泄氣皆殺人又肉汁在器中密蓋氣不泄者亦殺人

治脯在黍米中毒方

陳麩一兩鹽二撮以水一升煮服之良

義衍

杏仁辛散下氣以毒攻毒和皮研絞服之熱滿喘脹自除 食猪肉中傷則以猪屎燒灰治之若食狗肉中傷合以狗屎燒灰治之中鬱肉毒亦不出

此 漏脯鬱肉皆能致病漏脯毒傷在血故用生

韭搗汁 鬱肉熱傷於胃故用狗屎燒灰 脯在

米中蘊毒陳麩煮服以消之借鹽之鹹引之下通

治牛肝諸脯毒及餅臙中毒方

取貝子為末水服如豆佳不瘥更服

人以雉肉作餅臙因食吐下治方

以犀角為末服方寸七得安甚良

治食鵝鴨肉成病胸滿面赤不下食者方

服秫米泔良

義衍

貝子消堅故餅臙中堅韌毒物悉能消之 犀角

千金方卷之四  
十一  
用雄黃溫湯煮葱汁。烏頭天雄附子毒用大豆飴糖防風遠志棗肉。射罔毒用藍汁大小豆汁竹瀝大麻子汁藕汁芟汁六畜血貝齒屑蚯蚓屎。半夏毒用生薑汁及煮乾薑汁。葶藶毒用薺芫甘艸犀角蟹汁升麻。狼毒毒用杏仁藍汁白斂鹽汁木占斯。巴豆霜毒用黃連煮汁大豆汁菖蒲汁生薑汁。肘後云煮寒水石汁。蜀椒毒用葵子汁蒜汁豉汁桂汁人屎冷水土漿雞毛燒吸烟及調水服。蟹螯虻青毒用猪膏戎鹽大豆汁藍汁巴豆鹽湯煮猪膏服藥過劑悶亂者用水和胡粉水和葛粉地漿豉

汁蘘荷汁粳米瀋乾薑黃連飴糖藍汁吞雞子黃

右解毒諸藥一例中有數味者但得一味卽是未必悉具

衍義藥之治病不得已耳病家不達斯理湯藥亂投每致瞑眩當此欲圖挽回須詳究所誤之藥而施救解之法庶無復誤之失如過服風燥神氣浮散者胡粉以鎮固之過服傷津胃虛煩渴者葛粉以鼓舞之過服辛烈虛陽上逆者地漿以斂降之過服攻發虛煩懊懣者豉汁以清解之過服熱毒脹悶腹滿者蘘荷以泄利之過服攻伐中氣告匱者杭



總解腸胃諸毒故取治雉臙毒 秫米泔消鴨肉  
過傷以其能逐胃中留積痰垢也

治食魚中毒方

煮橘皮停極冷飲之立驗 肘後云治食魚中  
毒面腫煩亂者

治食魚中毒面腫煩亂及食鱸魚中毒欲死者方

剉蘆根春取汁多飲良并治蟹毒亦可取蘆葦  
茸汁飲之

治食魚膾及生肉在胸膈中不化吐之不出便成

癥瘕方

厚朴 三兩 大黃 二兩

右二味以水二升煮取一升頓服之

治食魚膾不消方

大黃 三兩 朴硝 二兩

右二味以酒二升煮取一升頓服之 仲景有橘皮  
一兩肘後方

云治食肉遇冷不消必  
成癥下之方亦無橘皮

又方

春馬鞭艸飲汁一升即消生薑亦良 肘後方云  
亦宜服諸

吐藥

又方

鮐魚皮燒灰水服無完皮以壞刀裝取之 一名  
鮫魚

米瀘以調養之過服苦寒水穀艱進者乾薑以溫  
理之過服溫補壯熱昏亂者黃連以苦瀉之寒熱  
交錯煩擾厥逆者薑連並用以分解之過服助陽  
毒鬱斑黃者藍汁以消散之過服消尅脾衰之氣  
者飴糖以溫養之過服傷陰嗌乾煩痛者雞子黃  
以滋潤之過藥之患非止數端其餘諸例詳列如  
左未遑贅述

解一切毒藥發不問草石始覺惡卽服此方

豉 三升

生麥門冬

葱白

各八兩

右三味以水七升煮取二升半分三服

雞腸艸散 解諸毒方

雞腸艸 三分

薺苳

升麻

各四分

芍藥

當歸

甘草

各二分

空土 一分

藍子 一合

右八味治下篩水服方寸匕多飲水爲佳若爲蜂  
蛇等毒蟲所螫以鍼刺螫上血出著藥如小豆許  
於瘡中令濕癢若爲射罔箭所中削竹如釵股長  
一尺五寸以綿纏繞水沾濕取藥內瘡中隨瘡深  
淺令至底止有好血出卽休若服藥有毒水服方  
寸匕毒解痛止愈

皮古今錄驗治  
食鱓鱖魚傷毒

又方

魚皮燒灰水服方寸匕

又方

魚鱗燒灰水服方寸匕食諸鮑魚中毒亦用之

治食蟹中毒方

冬瓜汁服二升冬瓜亦可食

衍義

諸魚皆助濕生痰令人熱中故以橘皮煎湯停冷服之使不上逆嘔吐 蘆根出自水中常通魚鱉之氣且通利腸胃故專除魚鱉之毒 厚朴大黃

破滯滌邪 大黃朴硝蕩練瘀積 馬鞭艸功專

散血 鮫魚皮專解魚毒 魚皮灰可消魚積

魚鱗灰利水消血 冬瓜汁利大小腸壓丹石毒而中蟹毒亦取用之使從二腸解利毒便除矣

治食諸菜中毒方

甘艸

貝齒

胡粉

等分

右三味治下篩水服方寸匕小兒尿乳汁共服二升亦好

治食樹蕈中毒方

人屎汁服一升良

解毒藥散方

薺芫 一分

藍 并花二分

右二味七月七日取藍陰乾搗篩水服方寸七日

三

又方

取秦燕毛二七枚燒灰服

解一切毒方

母猪尿水和服之又水三升三合和米粉飲之  
解鳩毒及一切毒藥不止煩懣方

甘艸

蜜 各四分

梁米粉 一升

右三味以水五升煮甘艸取二升去滓歇大熱內  
粉湯中攪勻調內蜜更煎令熟如薄粥適寒溫飲  
一升

治食蕘若悶亂如卒中風或似熱盛狂病服藥即  
劇方

飲甘艸汁藍青汁即愈

治野葛毒以死口噤者方

取青竹去兩節柱兩脇臍上內冷水注之暖即  
易須臾口開即服藥立活惟須數易水

治鈎吻毒困欲死面青口噤逆冷身痺方

肘後方  
云鈎吻  
掃葉山房

治食諸菌中毒方

掘地作坑以水沃中攪令濁澄清飲之名地漿

衍義

菜中之毒從蛇虺來以貝齒善治鬼疰蟲毒胡粉能治伏尸毒螫甘艸統治臟腑寒熱邪氣 蕈毒用人屎汁者取其穢惡以除濕上浮長之毒也用地漿者與解野葛毒義不殊也

解百藥毒第二論一首 方十二首 解毒品味二十八條

論曰甘艸解百藥毒如湯沃雪有同神妙有人中烏頭巴豆毒甘艸入腹即定中藜蘆毒葱湯下咽便愈中野葛毒土漿飲訖即止如此之事其驗如反掌要

使人皆知之然人皆不肯學誠可嘆息方稱大豆汁解百藥毒余每試之大懸絕不及甘艸又能加之為甘豆湯其驗尤奇有人服玉壺丸治嘔不能已百藥與之不止藍汁入口即定如此之事皆須知之此成規更不須試練也解毒方中條例極多若不指出一二學者不可卒知餘方例爾

衍義

甘艸解百藥毒入口則毒隨津湧而中烏頭巴豆毒者尤宜以其甘緩專化毒烈之暴也 葱湯解藜毒以其專通上下陽氣不使陰毒濁惡侵犯眞陽也 土漿解野葛毒毒厲之邪無不從土而發

菜萸食芥相似而鈎吻所生之傍無他艸又莖有毛若人誤食之殺人

薺芫八兩咬咀以水六升煮取三升冷如人體服五合日三夜二凡煮薺芫惟令濃佳

又方

煮桂汁飲之

又方

噉葱涕佳葱涕治諸毒

治腹中有鐵方

白折炭刮取末以井花水服三錢不過再服

解五石毒第三論三首 證十八條 方三十七首

論曰人不服石以庶事不佳惡瘡疥癬温疫瘧疾年年常患寢食不安與居常惡非止已事不康生子難育所以石在身中萬事休泰要不可服五石也人年三十以上可服石藥若素肥充亦勿妄服四十已上必須服之五十已上三年可服一劑六十已上二年可服一劑七十已上一年可服一劑  
又曰人年五十已上精華消歇服石猶得其力六十已上轉惡服石難得力所以常須服石令人手足温暖骨髓充實能消生冷舉措輕便復耐寒暑不著諸病是以大須服之凡石皆熟煉用之凡石之發當必

無不從土而化 生大豆汁解百藥毒合甘艸湯  
尤捷若大豆煮汁雖不致吐亦不能應手取效

藍汁解熱藥毒故服玉壺丸嘔不能已者藍汁入  
口即定皆已試之驗餘方治例各有所主未遑逐  
一項述

石藥毒用白鴨屎人屎汁 雄黃毒用防己 鐵粉  
毒用磁石 礬石毒用大豆汁白鵝屎

衍義解一切石藥毒用白鴨屎人屎世本作人參礬石  
毒用大豆汁白鵝屎世本作白鵝骨此皆刊刻之  
誤今正之

防葵毒用葵根汁 大戟毒用菖蒲汁 桔梗毒用

白粥 甘遂毒用大豆汁 躑躅毒用梔子汁 雞

子毒用醇醋 馬刀毒用清水 野芋毒用土漿人

糞汁 杏仁毒用藍子汁 百藥毒用甘艸薺芫大

小豆汁藍葉根實汁 金銀毒用水銀服數兩即出

或雞子清及屎白燒猪脂和水淋雞屎汁

衍義水銀質重入腹難出苟非勢劇不可救治者難以  
輕試宜先以下法探之

芫花毒用防己防風甘艸桂汁 野葛毒用雞子清

葛根汁甘艸汁鴨頭熱血猪膏雞屎人屎 藜蘆毒

惡寒頭痛心悶發作有時狀如溫瘧但有此兆無過  
取冷水淋之得寒乃止一切冷食惟酒須溫其諸解  
法備如後說其發背疽腫

方見二十  
二卷中

又曰凡服石人慎不得雜食口味雖百品具陳終不  
用重食其肉諸雜既重必有相賊積聚不消遂動諸  
石如法持心將攝得所石藥為益善不可加余年三  
十八九常服五六兩乳自是以來深深體悉至於將  
息節度頗識其性養生之士宜留意詳焉然其乳石  
必須土地清白光潤羅紋鳥翻一切皆成白可入服  
其非土地者慎勿服之多致殺人甚於鴆毒紫石白

石極須外內映徹光淨皎然非爾亦不可服寒石五  
石更生散方舊設此藥方上古名賢無此漢末有何  
侯者行用自皇甫士安已降有進餌者無不發背解  
體而取顛覆余自有識性已來親見朝野仕人遭者  
不一所以寧食野葛不服五石明其有大大猛毒不  
可不慎也有識者遇此方即須焚之勿久留也今但  
錄主對以防先服者其右已從烟滅不復須存為含  
生害也

葱白豉湯

凡鍾乳木又對栝萸其治主肺上

通頭胸木動鍾乳胸塞短氣鍾乳動木頭痛目



疼又鍾乳雖不對海蛤海蛤能動鍾乳鍾乳動則目疼短氣有時木動鍾乳直頭痛胸塞然鍾乳與木為患不過此也雖所患不同其治一也發動之始要有所由始覺體中有異與上患相應宜速服此方

葱白 半斤

豉 二升

甘艸 三兩

人參

二兩外臺用吳茱萸一升

右四味先以水一斗五升煮葱白作湯澄取八升內藥煮取三升分三服纔服便使人按摩搖動口中嚼物然後仰臥覆以暖衣汗出去衣服湯熱歇即便冷淘飯燥脯而已若服此不解復服

甘艸湯

甘艸 三兩

桂心 二兩

豉 二升

葱白 半斤

右四味合服如上法若服此已解肺家猶有客熱餘氣復服

桂心湯方

桂心

麥門冬 各三兩

人參

甘艸 各二兩

豉 二升

葱白 半斤

右六味合服如前法

此方與肘後散發身體生瘡麥門冬湯分兩小異

衍義  
金石艸木各有相反之毒但艸木之性易過不似  
石藥之氣悍難解也此方專解鍾乳白朮相對之  
患鍾乳溫肺助陽白朮溫胃滯氣肺胃同源兩溫  
相搏激動悍烈之性阻絕清氣之道致有胸塞短  
氣頭痛目疼等證故取葱白之辛溫以通上下諸  
陽香鼓以解胸中惡毒異氣甘艸總解臟腑內外  
諸毒人參助肺胃正氣則石藥之悍自可退聽卽  
海蛤動乳乳動枯蘘服此不解可用下法而爲變  
通可也 按藥對之治總解石藥之毒其間雖用  
硝黃多兼參朮者以病本虛寒故投峻烈雖有藥

毒宜攻又不得不以顧慮正氣爲務也 前葱白  
香鼓湯中用參專爲病人元氣本虛而設若石藥  
之悍方熾其人元氣本虛則寒折又難輕試乃於  
前方除去人參易入桂心而施從治之法庶無逆  
於病情服此大勢已解尚有餘熱畱於肺家并用  
二方參桂以調正氣更加麥門冬以清肺胃客熱  
方得標本兼濟之妙

杜仲湯 硫黃對防風又對細辛其治主脾腎通  
主腰脚防風動硫黃煩熱脚疼腰痛或噴忿無  
常或下利不禁防風細辛能動硫黃而硫黃不

能動彼始覺發便服此方

杜仲 三兩

枳實

甘艸

李核仁 各二兩

香豉 一升

梔子仁 十四枚

右六味合服如上法若不能解復服

行義

因脾腎兩虛而用硫黃峻補命門之火防風細辛為脾腎之引經然皆辛散上升所以能鼓動硫黃之毒而致煩熱下利腰痛脚疼皆脾腎兩傷之候故用杜仲堅筋骨枳實利五臟李核仁除煩熱甘草解諸毒香豉散惡氣梔子仁導虛火乃借梔子豉湯梔子甘艸豉湯枳實梔子豉湯等方之法以

治虛煩懊懺煩熱解而硫黃之毒渙散矣

大麥奴湯方

大麥奴 四兩

甘艸

人參

芫硝

桂心 各二兩

麥門冬 半斤

右六味合服如上法若服已解脾腎猶有餘熱氣

氣或冷復服

人參湯方

人參

乾薑

甘艸

當歸 各一兩

附子 一枚

右五味合服如上法

衍義麥奴受濕土鬱蒸之氣而變黴黑為陽毒溫毒之專藥千金借以治硫黃之毒兼芑硝以蕩熱桂心以破結麥門冬以滋津人參以助正氣甘艸以解毒也 若服麥奴丸熱勢已解正氣大傷而虛熱未除則當大理脾腎而用附子理中於中除去白朮之滯氣而易當歸以和營也方下有言脾腎猶有餘熱或冷夫餘熱與冷水炭懸殊此正千金藏機之奧蓋餘熱卽是假熱假熱卽是真冷若果有餘熱其可漫投薑桂乎

王麥門冬湯 白石英對附子其治主胃通主脾

腎附子動白石英煩熱腹脹白石英動附子嘔逆不得食或口噤不開或言語難手脚疼痛始覺宜服此湯方

生麥門冬

四兩

甘艸

麻黃

各三兩

豉

二升

右四味合服如上法不解再服

衍義白石英入肺胃氣分附子溫補命門而通行十二經臟腑經絡無處不到是不能無發動之虞附子動白石英則煩熱腹脹白石英動附子則嘔逆不食故用麥門冬以解附子之烈麻黃以泄石英之

悍甘艸香豉解毒除煩為門冬麻黃之匡佐合表裏而為開泄也

大黃湯方 若煩加細辛五兩

大黃 三兩 豉 二升

甘艸 二兩

梔子仁 二十枚

右合服如上法頻服得下便止不下服盡若熱勢未除視瞻高而患渴者復服

栝蒌根湯方

栝蒌根 大麥奴 各四兩 甘艸 二兩

豉 二升 葱白 半斤

右五味合服如上法稍稍一兩合服之隱約得一升許便可食少糜動口若已解胃中有餘熱復服芫硝湯方

芫硝 桂心 各二兩 李核仁 二十枚

白朮 一兩 大棗 二十枚 甘艸

通艸 各三兩

右七味合服如上法若腹脹去芫硝用人參二兩衍義前方用麻黃開發肺氣使白石英之毒從表而解服之不應必附子之烈盤錯於中故用大黃開泄下焦使附子之毒從裏而解梔子佐甘艸豉湯以

解虛煩懊懷服後得下熱勢當平若仍高瞻煩渴  
此裏熱解而表熱未除更以後方主之 枯蕪根  
本經治消渴身熱大麥奴治陽毒斑黃甘艸葱豉  
引之從外而解 服後身熱雖解而煩熱腹脹不  
除則與芫硝湯蕩滌腸胃仍兼桂心杏仁甘艸之  
類更加通艸利水通竅白朮大棗滋培津氣以杜  
悍烈之復入而方後又有腹脹去芫硝加人參之  
例從前既用大黃得下而脹不除豈可復用芫硝  
之蕩滌歟

人參湯

紫石英對人參其治主心肝通主腰脚

人參動紫石英

外臺作細辛人參

心急而痛或驚悸不

得眠臥恍惚忘誤失性發狂昏昏欲眠或憤憤

喜噯或瘧或劇乍寒乍熱或耳聾目暗又防風

以雖不動紫石英人參能動防風

外臺云防風雖不對紫石英為

藥中有人參緣防風動人參主發動令人心痛煩熱

令人頭項強始覺服

此方

外臺服麻黃湯

人參

白朮

各三兩

甘艸

外臺無

桂心

各二兩

細辛

一兩

豉

二升

右六味合服如上法若噯盛加大黃黃芩梔子各  
三兩若忘誤狂發猶未除復服

義衍  
紫石英峻温心肝血分之藥必其人氣血虛寒至  
劇故與人參同用因人參發動紫石英之悍所以  
有心急恍惚等證且與防風同劑防風力薄雖不  
能如人參動紫石英而人參力雄勢必并動防風  
升發之性然人參防風每常同用若不得紫石英  
亦無發動項強之患是皆人參助長石英所致若  
以人參助長而用耗氣之味則石英之悍愈無所  
制故仍用參朮實脾杜火辛桂通肝散結豉甘辟  
除熱毒則石英之性渙散無餘矣前葱白豉湯條  
下有云雖所患不同其治一也即人參發動防風

亦不出此如服後噎盛則加大黃黃芩山梔以解  
肝家之蘊熱耳

生麥門冬湯方 外臺此方治瘰石發

生麥門冬 葱白 各半斤 甘艸 三兩  
人參 一兩 豉 二升

右五味合服如上法温牀暖覆牀下著火口中嚼  
物使身稍汗一日便解若心有餘熱更服  
參桂湯方

人參 防風 甘艸 各三兩  
桂心 二兩 白朮 生薑 各一兩

右六味合服如上法

衍義前治白石英對附子生麥門冬湯方中用麻黃發越石藥之悍烈此紫石英對人參用人參葱白以發越未盡之餘熱也 服生麥門冬湯溫覆取汗而餘熱未除即於人參湯中除去細辛香豉易入防風生薑以解汗後表虛復入之微風詳服藥後溫牀暖覆牀下著火口中嚼物胃氣之虛寒可知急需辛溫調適其宜庶免虛虛之患

大麥麩湯 赤石脂對桔梗其治主心通主胸背桔梗動石脂心痛寒噤手足逆冷心中煩悶赤

石脂動桔梗則頭痛目赤身體壯熱始覺發宜溫清酒飲之隨能可須酒勢行則解亦可服此

方

大麥熬令汗出燥止勿令大焦春去皮細搗絹

篩以冷水和服之

翼方云炒去皮淘淨蒸令熟曝乾熬令香爲末

衍義赤石脂與桔梗原非毒烈之品能發動致病但石脂鬱遏桔梗升發之性氣不宣通所以心痛逆冷桔梗激動石脂沉著之性氣不斂固所以頭痛壯熱始覺便宜飲酒以和中外并服麥麩以疏中氣之滯也



葱白豉湯 礬石無所偏對其治主胃發則令人  
心急口噤骨節疼強或節節生瘡始覺發即服

此方外臺云服  
麥門冬湯

葱白 半斤 豉 二升 甘艸 二兩

右三味以水六升煮取二升半分三服若散發身  
體卒生瘡宜服

生麥門冬湯方

生麥門冬 五兩 甘艸 桂心 各二兩

人參 一兩半 葱白 半斤 豉 二升

右六味服如解鍾乳湯法

衍義按礬石雖無偏對而辛熱大毒傷胃令人心急其  
治與鍾乳對朮之葱白豉湯解毒之意不殊但究

其原彼因肺胃虛冷而用乳朮故須人參此因腹  
中有瑕而用礬石但需三味足以解其毒可無藉  
於人參也 服散後身體生瘡此礬石之毒發外  
則用生麥門冬湯以滋肺胃之熱與紫石英對人  
參之生麥門冬湯但多桂心一味又與鍾乳對朮  
之桂心湯藥味相同而分兩小異

朮對鍾乳朮發則頭痛目疼或舉身壯熱解如鍾乳  
法

附子對白石英亦對赤石脂附子發則嘔逆手脚疼  
體強骨節痛或項強面目滿腫發則飲酒服麩自愈  
若不愈與白石英同解

大黃黃芩湯 桔梗對赤石脂又對牡蠣又對茯苓  
桔梗發則頭痛目赤身體壯熱牡蠣發則四肢  
壯熱心腹煩悶極渴解法並與赤石脂同茯苓  
發則壯熱煩悶宜服此方

大黃

黃芩

梔子仁

各三兩

葱白

切

豉

各一升

右五味咬咀以水六升煮取二升半分三服

衍義

桔梗茯苓方常並用未聞有相對之患以劑中有  
石脂牡蠣滯其升降之氣而蘊熱故用大黃黃芩  
兼梔子葱豉以泄胸中虛煩之氣也

栝萸根湯

海蛤對栝萸海蛤先發則手足煩熱

栝萸先發則噤寒清涕出宜服此方

栝萸根

甘艸

各二兩

大黃

一兩

梔子仁

十四枚

右四味合煎服如解鍾乳法

衍義

海蛤栝萸亦無毒熱服之而煩熱口噤者良由痰  
濕阻積為患所以仍用栝萸根引入先前誤藥受

病之區統領大黃梔子開泄其邪乃金匱大黃甘  
艸湯之變法

白石英發先腹脹後發熱 石硫黃發通身熱兼腰

膝痛 礬石發遍身發熱兼口噤 牡蠣發則頭痛

煩熱 茯苓發直頭痛 桔梗發頭面熱 海蛤發

心中發熱 已上除海蛤外宜浴 紫石英發乍寒乍熱 赤石

脂發心噤身熱頭目赤 已上宜酒 石硫黃礬石桔梗茯

苓牡蠣此五物發 宜浴 白石英亦可小浴其餘皆不

宜浴 礬石發宜用生熟湯 茯苓發熱多攻頭即

以冷水洗身漬之

浴法初熱先用暖水後用冷水浴時慎不可洗

頭垂沫可二三升灌之凡藥宜浴便得解即佳

如不瘥可餘治之

寒食散 發動者云艸藥氣力易盡石性沉滯獨

主胃中故令數發欲服之時以絹袋盛散一七

著四合酒中塞其口一宿後飲盡之其酒用多

少將御節度自如舊法

義寒食散即鍾乳散見十七卷肺臟氣極方中按腎

臟門中寒食鍾乳散治例下云方在氣極篇中即

鍾乳散方無寒食二字金匱雜療方中有紫石寒

食散見千金翼

梔子豉湯 治食宿飯陳臭肉及羹宿菜發者方

梔子 三七枚

豉 三升

甘艸 三兩

右三味咬咀以水八升煮取三升分三服方可加

人參葱白

葱白豉湯 治因失食發及飲酒過醉發者方

葱白 一斤

豉 一升

乾薑 五兩

甘艸 二兩

右四味咬咀以水七升煮取三升分三服不解宜服

理中湯

人參

白朮

甘艸 各三兩

乾薑 二兩

右四味咬咀以水六升煮取三升分三服

人參湯 治因噎怒太過發者方

人參

枳實

甘艸 各九分

白朮

乾薑

栝蔞根 各六分

右六味咬咀以水九升煮取三升分三服若短氣

者稍稍數飲

千金翼云主散發氣逆心腹絞痛不得氣息命在轉燭者

梔子豉湯為傷寒壞病虛煩懊懣之專藥此因宿

食留滯而蘊發故兼甘艸一味以助祛煩安中之力 若過飢失食而虛煩或過飲醉發而嘔噦則宜葱白豉湯藉甘艸乾薑以安胃氣之逆也 胃氣本虛而宿食不化以理中湯為正治 因嗔怒而飲食留著蘊為痰涎又宜人參湯即枳實理中湯加栝蒌根化熱安中可無短氣之患即散發氣逆心腹絞痛亦霍然矣

情色過多發宜黃芪湯方本

衍詳肺臟氣越方中黃芪湯頗合此例見十卷又腎臟

補腎方中黃芪湯藥令黃芪湯並可選用

將冷太過發則多壯熱以冷水洗浴然後用生熟湯五六石灌之已食少暖食飲少熱酒行步自勞將熱太過發則多心悶時時食少冷食若夏月大熱時發動多起於渴飲多所致水和少麩服之不瘥復作以瘥為度

冷熱熨法 若大小便閉塞不通或淋瀝溺血陰中疼痛此是熱氣所致用此法即愈

其法先以冷物熨小腹已次以熱物熨之又以冷物熨之若小便數此亦是取冷所為暖調理

自愈

衍義 上三法皆西北之人可用東南之人難以例推也

治藥發下利者方

乾服鼓即斷能多益佳

檳榔湯 凡服散之後忽身體浮腫多是取冷過

所致治之方

檳榔三十枚搗以水八升煮取二升分再服

衍義 服辛熱石毒下利則以乾鼓解之 服藥後受冷

藥停胃中身發浮腫則以檳榔湯利之

治凡散發瘡腫方

蔓菁子熬

杏仁

黃連

胡粉

各一兩

水銀

二兩

右五味別搗蔓菁子杏仁如膏以猪脂合研令水

銀滅塗上日三夜一

治散發赤腫者方

生地黄

五兩

大黃

一兩

生商陸

三兩

杏仁

四十枚

右四味切醋漬一切猪膏一升煎商陸令黑去滓

摩腫上日三夜一

治散發生細瘡者方

黃連

各五兩

芫硝

各五兩

右二味咬咀以水八升煮黃連取四升去滓內苾  
硝令烱漬布貼瘡上數數易換多少皆著之  
治散發瘡痛不可忍方

冷石即滑石 三兩治下篩粉瘡上日五六度即燥  
須臾痛亦定

衍義藥毒發瘡毒已外達不須內治但與外傳可也  
治服散忽發痛方

乾薑五兩咬咀以水五升煮取三升去滓內蜜  
一合和絞頓服不瘥重作

衍義石藥毒滯於內而痛故用乾薑之辛以散之蜂蜜

之甘以和之若與寒折則愈滯不通矣

鴨通湯 解散除熱方

白鴨通五升沸湯二斗半淋之澄清取汁二斗

鼓 三升

麻黃 八兩

梔子仁 二十枚

石膏 三兩

甘艸 五兩

冷石 二兩

右七味五味咬咀以鴨通汁煮取六升去滓內鼓  
煮三沸分服五合若覺體冷小便快止後服若熱  
猶盛小便赤促服之不限五合宜小勞當漸進食  
不可令食少但勿便多耳

衍義鴨通利水取白以通金水二臟為解石毒之專藥

佐以冷石膏清解裏熱麻黃開泄表氣梔子豉  
甘解毒除煩兼通表裏惡毒異氣

解散 治盛熱實大小便赤方

升麻

大黃

黃連

黃蘗

甘艸

黃芩

芍藥

梔子仁

竹葉

豉

白鴨通

右十一味咬咀以水三斗先煮鴨通竹葉取一斗  
一二升去滓澄清取一斗次內藥煮取三升分三服  
若上氣者加杏仁五合腹滿加石膏二兩

行義

彙取伊尹三黃湯大黃黃連瀉心湯黃連解毒湯

金花湯梔子豉湯等方之製以解石藥內蘊之毒  
兼取升麻之升散即鴨通湯中麻黃之義芍藥甘  
艸和營解毒竹葉鴨通清心利水引領諸藥從滲  
道而泄也

下散法

治藥發熱困方

翼方云凡散數發熱無  
賴下去之又云諸丹及

金石等  
同用之

黍米三升作糜以成煎猪脂一斤和令調宿不  
食旦空腹食之令飽晚當下藥神良不盡熱發  
更合服之



又方

肥猪肉 五斤

葱白

薤 各半斤

右三味合煮治如食法宿不食且服之令盡不盡明日更服

又方

治發動數數患熱困壓藥下之之方

以猪腎脂一具不令中水以火炙承取汁適寒温一服三合每日夜五六服多至五六升二日稍隨大便下

又方

作肥猪肉臠一斤調如常法平旦空腹頓服合

盡少時腹中雷鳴鳴定藥隨下以器盛取用淘石不盡更作如前服之

衍義

黍米清胃熱猪脂解腎毒頓服令瀉則五石之毒

咸得下奪矣

其下猪肉葱薤

炙猪腎汁

猪

肉煮臠皆取下散腎毒總取血肉之性易通腸胃之毒耳

蠱毒第四

論一首六條方二十首

論曰蠱毒千種種種不同或下鮮血或好臥暗室不欲光明或心性反常乍嗔乍喜或四肢沉重百節痠疼狀貌說不可盡亦有得之三年乃死急者一月或

百日卽死其死時皆從九孔中或於脇下肉中出去  
所以出門常須帶雄黃麝香神丹諸大辟惡藥則百  
蠱猶鬼狐狸老物精魅永不敢著人養生之家大須  
慮此俗亦有灸法初中蠱於心下捺便大炷灸一百  
壯并主猫鬼亦灸得愈又當足小指尖上灸三壯當  
有物出酒上得者有酒出飯上得者有飯出肉菜上  
得者有肉菜出卽愈神驗皆於灸瘡上  
凡中蠱毒令人心腹絞痛如有物嚙或吐下血皆如  
爛肉若不卽治蝕人五臟盡乃死矣欲驗之法當令  
病人唾水沉者是蠱不沉者非蠱也

凡人患積年時復大便黑如漆或堅或薄或微赤者  
皆是蠱也

凡人忽患下血以斷下方治更增極者此是中蠱者  
也

凡卒患血痢或赤或黑無有多少此皆是蠱毒粗醫  
以斷痢藥處之此大非也

世有拙醫見患蠱脹者遍身腫滿四肢如故小便不  
甚濇以水病治之延日服水藥經五十餘日望得痊  
愈日復增加奄至殞歿如此者不一學者當細尋方  
意消息用之萬不失一醫方千卷不盡其理所以不

可一一備述

凡人中蠱有人行蠱毒以病人者若服藥知蠱主姓名當使呼喚將去若欲知蠱主姓名者以敗鼓皮燒作末飲服方寸匕須臾自呼蠱主姓名者可與令去則愈又有以蛇涎合作蠱藥著飲食中使人得瘕病此一種積年乃死療之各自有藥江南山間人有此不可不信之

太上五蠱丸 治百蠱吐血傷中心腹結氣堅塞

咽喉語聲不出短氣欲死飲食不下吐逆上氣

去來無常狀如鬼祟身體浮腫心悶煩疼寒戰

夢與鬼狐狸作魅卒得心痛上又胸脇痛如刀

刺經年累歲著牀不起悉主之方

雄黃 椒目 巴豆

莽艸 芫花 珍珠 即丹砂外臺作木香

鬼臼 礬石 藜蘆 各四分

附子 五分 獺肝 一分 蜈蚣 二枚

蟹螯 三十枚

右十三味為末蜜和更搗二千杵丸如小豆先食飲服一丸餘密封勿泄藥氣十九為一劑如不中病後日增一丸以下利為度當下蠱種種狀貌不

可具述下後七日將息服一劑三十年百病盡除  
忌五辛

衍義

南粵鬼域之鄉多畜百蟲互相噉食毒歸其一取  
以賊人謂之曰蠱蠱毒之患不一總皆鬼域陰謀  
故治蠱之方多用陽藥如太上五蠱丸首取雄黃  
純陽之精佐以附子椒目破除陰毒以壯巴豆莽  
艸鬼臼芫花藜蘆礬石破癥瘕堅積鬼疰蠱毒之  
威獺肝蜈蚣蟹螯專殺尸疰蠱毒真珠稟離方真  
火力破五臟之百邪為五蠱首列之神方也  
太乙追命丸 治百病若中惡氣心腹脹滿不得

喘息心痛積聚臃脹疝瘕宿食不消吐逆嘔噦  
寒熱瘰癧蠱毒婦人產後餘疾方

蜈蚣 一枚

丹砂 即真珠

附子

礬石 二枚

雄黃

藜蘆

鬼臼 各一分

巴豆 二分

右八味為末蜜丸如麻子一服二九日一服傷寒  
一二日服一丸當汗出綿裹兩丸塞兩耳中下痢  
服一丸一丸塞下部蠱毒服二丸在外膏和摩病  
上在膈上吐在膈下利有瘡一丸塗之毒自出產  
後餘疾服一丸耳聾綿裹塞耳中

衍義

此於五蠱丸中削去椒目莽艸芫花獺肝蟹螯等味較之前方稍平而功力不殊并可以治傷寒疫痢者以其力能吐下外內宣通豁然汗出而解然僅施於藜蘆可也

治人得藥雜蠱方

蟹螯 六枚 桂心

藜蘆 各如指大

釜月下土 如彈丸大

右四味治下篩水服一錢匕下蠱蛇蝦蟆蟻螂毒俱出

衍義

蟹螯治寒熱蠱症桂心破陰毒固結藜蘆涌膈上

蠱毒釜下土辟水土二臟之陰邪不使蟹螯藜蘆之毒畱著也

萬病丸 治蠱症四肢浮腫肌膚消索欬逆腹大

如水狀死後轉易家人一名鼓脹方 小品名雄黃丸

雄黃 巴豆 莽艸

鬼臼 各四兩 蜈蚣 三枚

右五味為末蜜和搗三千杵丸如小豆密封勿泄氣宿勿食平旦空腹一丸一炊久不知更加一丸當先下清水次下蠱長數寸及下蛇又下蝦雞子或白如膏下後作葱豉粥補之百種暖將息

義術 五味總出五蠱丸中較之追命丸僅多莽艸一味  
一治蠱之大義可知

治中蠱毒腹內堅如石面目青黃小便淋瀝病變  
無常處方 肘後古今錄驗俱云用鐵精烏雞肝和丸如梧子酒服三丸日再甚者不過十日千金用此湯疑誤

殺羊皮 方五寸

犀角

芍藥

牡丹

黃連 兩

藜蘆 四兩半

梔子仁 七枚

右七味咬咀以水九升煮取三升分三服 葛氏崔氏俱無牡丹芍藥梔子有若參升麻當歸

義術

腹堅如石面目青黃陰邪內結也小便淋瀝病變無常火毒攻注也故用犀角黃連清解毒熱殺羊皮辟除不祥藜蘆專主蠱毒取其性毒而能攻毒也蠱者服藜蘆汁并臥其葉即呼蠱姓名令其領去陰謀之毒害莫甚於此

犀角丸 治蠱毒百病腹暴痛飛尸惡氣腫方

犀角屑

鬼臼屑

桂心末

羚羊角屑

各四錢七

天雄

莽艸

真珠 即丹砂

雄黃 各一兩

貝子 五枚

蜈蚣 五節

巴豆 五十枚

麝香

射罔 各如雞子  
黃大一枚

右十三味為末蜜丸如小豆服一丸日二含咽不知少增之卒得腹滿飛尸服如大豆許二丸若惡氣腫以苦酒和塗上絳囊盛藥繫左臂辟不祥鬼症蠱毒可以備急

符義

犀角丸中雄黃巴豆鬼臼莽艸蜈蚣真珠等味皆五蠱丸中所用之藥天雄射罔即五蠱丸中附子之義但毒尤甚羚羊角雖為平肝弛筋之品而本經主治有去惡血注下辟蠱毒惡鬼不祥之功用與五蠱丸中獺肝同意其餘犀角解諸毒桂心破

陰結貝子療尸症麝香辟惡氣殺鬼精物去三蟲蠱毒諸治也

治蠱毒方

茜根

蘘荷根 各三兩

右二味咬咀以水四升煮取一升頓服 肘後云治中蠱吐血

或下血如爛肝者  
自知蠱主姓名

又方

蝟皮灰

亂髮灰 各一方寸七

生麻子汁 五升

桃根皮 向陽者

榭樹北陰白皮 各五兩

右五味先煮桃根榭皮取濃汁一升和麻子汁髮

灰等令勻患人宿少食旦服一大升須臾著盆中以雞翎摘吐水中如牛涎犢胎及諸毒並出

又方

榭樹北陰白皮一大握長五寸水三升煮取一升空腹服即吐蟲出亦治中蠱下血

又方

蝟皮灰水服方寸匕亦出蟲

又方

大戟

蟹螯

五月五日桃白

皮各四分必效方云取東引者火烘之

之三味治下篩旦空腹以水一鍾服八稔用二指

相著如開頓服之若指頭相離取藥太過恐能損

人肘後方云服棗核大不瘥十日更一服必效方云服半方寸匕其毒即出不出更一服李饒州

云若酒中得則以酒服若食中得以飲服之

衍義

蘘荷治蠱毒之專藥但入氣分故兼西根并散血

中之毒 又方用蝟皮破血解毒為金蠶蠱之專

藥兼取向陰之赤龍皮向陽之桃根皮入生麻子

汁和髮灰探吐以涌泄諸毒也 榭皮治惡瘡蟲

漏 蝟皮治五痔陰蝕均為蠱毒之單方 大戟

蟹螯桃根白皮蠱毒腹脹之峻藥



治蛇蠱方

蛇毒人菜果中食之令人得病名曰蛇蠱

大豆末以酒漬絞取汁服半升

治諸熱毒或蠱毒鼻中及口中出血醫所不治方

取人屎尖七枚燒作火色置水中研之頓服即愈亦解百毒時氣熱病之毒服極神驗

治蠱吐下血方

檉皮廣五寸長一尺

蘆荻根如足大指五寸小品方用薔薇根

右二味改阻以水二升煮取一升頓服極下蠱

治中蠱下血日數十行者方

巴豆二七枚

蚘青

藜蘆

附子

礬石

各一分

右五味為末別治巴豆合和相得以綿裹藥如大豆許內下部中日三瘥

又方

苦瓠一枚以水二升煮取一升稍稍服之當下

蠱及吐蝦蟆蚪之狀一月後乃盡

肘後方云用苦酒二

升煮

衍義

大豆末酒漬絞汁必用生者取吐毒方得泄 屎

灰大解諸毒不獨治蠱以穢惡之物治穢惡之疾也 檉皮苦寒荻根甘寒善解腸胃諸毒非獨治

蠱毒而熱毒下痢亦能療之 蠱毒下血日數十  
行而胸腹無痛滿之患知毒不在裏而在下因取  
殺蟲利竅滌垢之藥著內下部因勢以利導之也  
蠱毒腫脹如水腫狀審無虛證可用苦瓠下之  
八物茜根湯 治下血狀如雞肝腹中攪痛難忍  
者方

茜根

升麻

犀角 各三兩

桔梗

黃蘗

黃芩 各二兩

地榆

白蘘荷 各四兩

右八味咬咀以水九升煮取二升半分三服此蠱

利血用之

又方

桔梗

犀角 等分

右二味爲末酒服方寸匕日三不能自服攪口與  
之藥下心中當煩須臾自靜有頃下服至七日止  
可食豬脾臟自補養治蠱下血如雞肝日夜不解  
欲死者皆可用

治腸蠱先下赤後下黃白沫連年不瘥者方

牛膝一兩搥散切以淳清酒一升漬一宿平旦  
空腹服之再服便愈

衍義 蠱毒下血如雞肝急需清熱解毒方中茜根犀角  
 專散毒血黃蘗黃芩專散熱結升麻桔梗升散於  
 上地榆蘗荷解散於下不特為蠱毒下血之專方  
 并可治熱毒血痢之要藥 下血如雞肝則以犀  
 角解散之胸腹如刀刺則以桔梗開發之治證如  
 八物茜根湯須詳稟氣病氣之微甚而為取用可  
 也 先下紫赤血後下黃白沫此血化為水病名  
 腸蠱牛膝一味生搗漬酒服之以散惡血  
 北地太守酒 治萬病蠱毒風氣寒熱方  
 烏頭 甘艸 芎藭

黃芩 桂心 藜蘆

附子各四兩 白斂 桔梗

半夏 前胡 麥門冬

柏子仁各六兩

右十三味咬咀以麩十斤秫米一斛如醞酒法藥  
 以絹囊盛之沉於甕底酒熟去糟還取藥滓以青  
 布袋盛沉著酒底泥封秋七日冬十日夏五日空  
 腹服一合日三以知為度因藥有毒故以青布盛  
 之服勿中止二十日大有病出其狀如漆五十日  
 病悉愈婦人年五十被病連年腹中積聚冷熱不

調時時切痛遶臍絞急上氣胸滿二十餘年服藥  
二七日所下四五升卽愈又有女人病偏枯絕產  
服二十日吐黑物大如刀帶長三尺許卽愈其年  
生子又有女人小得癩病服十八日出血二升半  
愈有人被杖崩血內瘀臥著九年服藥十三日出  
黑血二三升愈有人耳聾十七年服藥三十五日  
鼻中出血三升耳中出黃水五升而愈古方云熹  
平二年北地太守臣光上然此偏主蠱毒有人中  
蠱毒者服無不愈極難瘥者不過二七日所有效  
莫不備出曾有一女人年四十餘偏枯羸瘦不能

起長臥牀枕耳聾一無所聞兩手不收已經三載  
余爲合之遂得平復如舊有人中蠱毒而先患風  
眼服茵芋酒傷多吐出蠱數十枚遂愈何況此酒  
而不下蠱也嘉其功效有異常方故具述焉

衍義方中調和血氣之品居多惟烏附祛風藜蘆利竅  
而本經有蠱毒之治佐以白斂桔梗半夏以助破  
結開痰之勢得力全在釀酒通行經絡方能兼療  
方後諸病不獨治蠱毒之用也

胡臭漏液第五

論一首

方十五首

論曰有天生胡臭有爲人所染臭者天生臭者難治

爲人所染者易治然須三年醋傳礬石散勿止并服  
五香丸乃可得瘥勿謂一度傳藥卽瘥正一傳時暫  
得一瘥耳五香丸見前第六卷中凡胡臭人通忌食  
芸薑五辛治之終身不瘥

石灰散 治胡臭方

石灰 一升

楓香 一作沉香

丁香

薰陸香

青木香 各二兩

礬石 四兩

橘皮

陽起石 各三兩

右八味治下篩以綿作篆子粗如指長四寸展取  
藥篆上以絹囊盛著腋下先以布揩令痛然後挾

之

又方

以三年苦酢和灰傅之

衍義

素稟腥臊遺氣淫於肝臟而泄於腋下雖用辛香

達竅諸藥終難拔除病根不得已而用石灰壯火  
之餘烈兼陽起石以破陰邪之固結配礬石之酸  
澀收斂囊盛掖之以辟穢惡之氣他如醋和灰傅  
銅青醋熨水銀胡粉揩塗總取酸收穢惡之義

治胡臭方

辛夷

芎藭

細辛

杜蘅

藁本

各二兩

右五味咬咀以醇苦酒漬一宿煎取汁傳之欲傳取臨臥時以瘥為度

又方

青木香

附子

石灰

各二兩

礬石

半兩

右四味為散著粉中常粉之

又方

赤銅屑以酢和銀器中炒極熱布裏熨腋下冷復易

又方

槲葉切三升以水五升煮取一升洗喉下即以白苦瓠燒令烟出熏之數數作用

又方

辛夷

細辛

芎藭

青木香

各四分

右四味治下篩熏竟粉之

又方

馬齒菜一束搗碎以蜜和作團以絹袋盛之以泥紙裹厚半寸曝乾以火燒熟破取更以少許

蜜和使熱勿令冷先以生布指之夾藥腋下痛久忍之不能然後以手勒兩臂

又方

牛脂

胡粉 等分

右二味煎令可丸塗腋下宿即愈不過三劑

又方

伏龍肝作泥傅之

六物散 治漏腋腋下及足心手掌陰下股裏常

如汗濕臭者方

乾枸杞根

乾薔薇根

甘艸 各半

商陸根

胡粉

滑石 各一兩

右件藥治下篩以苦酒少少和塗當微汗出易衣復更塗上不過三著便愈或一年復發復塗之

又方

水銀

胡粉 外臺作粉霜

右二味以面脂研和塗之良驗

又方

石灰 三升

銀屑 一升一作銅屑

右二味合和絹囊盛汗出粉之佳

又方

黃礬石燒令汁盡治為末以絹袋盛粉之即瘥  
又方

正旦以尿洗腋下神妙

脫肛第六 方十三首  
灸法三首

肛門主肺肺熱應肛門熱則閉塞大便不通腫縮

生瘡銳通方

白蜜三升煎令燥冷水中調可得為丸長六七  
寸內肛門中倒向上頭向下少時取烱斯須即

通洞泄

豬肝散 肛門主大腸大腸寒應肛門寒則洞泄

肛門滯出方

豬肝 一斤燒  
令燥

黃連

阿膠

芎藭 各三  
兩

艾葉 一兩

烏梅肉 五  
兩

右六味治下篩溫清酒一升服方寸七半日再服  
若不能酒與清白米飲亦得

又方

磁石 四兩

桂心 一尺

蝟皮 一枚

右三味治下篩飲服方寸七日一服即縮慎舉動  
及急帶衣斷房室周年乃佳 肘後方云治女人陰  
脫出外用蠶頭一枚

為四  
味



義初脫肛有氣虛下陷有燥熱閉塞有濕熱毒壅如蜜煎導專滋津血之燥 猪脂散專散瘀熱之毒方中猪肝逐汚血黃連燥濕熱阿膠芎艾和營祛風烏梅收斂津血 又方以磁石鎮攝真陰桂心導散虛熱蝟皮專治五痔陰蝕千金脫肛內治僅出二方至於氣虛下陷絕氣治法東垣之補中益氣庶為得之

壁土散 治肛門滯出方

故屋東壁土 一升 研

皂莢 三挺各長一尺二寸

右二味先搗土為散挹粉肛頭出處次取皂莢炙

暖更遞熨取入則止

又方

鱉頭 故敗麻履底 各一枚

右二味燒鱉頭搗為散傅肛門滯出頭次將履底按入即不出矣

又方

女萎一升以器中燒坐上熏之即入

治脫肛方

蒲黃二兩以猪脂和傅肛上內之二三度愈

治腸隨肛出轉廣不可入方

生栝萸根爲粉以猪脂膏溫塗隨手抑按自得  
縮入

治積冷利脫肛方

枳實一枚石上磨令滑澤鑽安柄蜜塗炙令暖  
熨之冷更易取縮入止

又方

鐵精粉內上按令入卽愈

治脫肛歷年不愈方

又生鐵三斤水一斗煮取五升去鐵以汁洗日再  
又方

鱉頭一枚燒令煙絕治作屑以傅肛門上進以  
手按之

又方

炙故麻履底按令入頻按令入永瘥

衍義

脫肛外治不一各究其源而爲取用方爲合宜如

鏡通用蜜煎導滋燥通幽專假南陽成法其壁土  
散用壁土皂莢收濕逐垢 鱉頭履底上引收濕  
女萎祛除內風 蒲黃解散瘀熱 栝萸根排  
解濕熱 枳實熨散冷滯 鐵精鐵汁攝火導氣  
以散壅腫之熱也

灸法

病寒冷脫肛出灸臍中隨年壯

脫肛歷年不愈灸橫骨百壯 又灸龜尾七壯龜尾即後

窮骨是也

癭癘第七

方十三首 灸法十首

證一條

治石癭氣癭勞癭土癭憂癭等方

海藻

海蛤

龍膽

通艸

昆布

礬石

一作礬石

松蘿

各三分

麥麩

四分

半夏

二分

右九味治下篩酒服方寸七日三禁食猪魚五辛

生菜諸難消之物十日知二十日愈

又方

小麥麩斗

海藻一斤

特生礬石十兩

右三味以三年米醋漬小麥麩曝乾各搗為散合和服一方寸七日四五服藥含極乃咽之禁薑五辛猪魚生菜大吹大讀誦大叫語等

又方

昆布

松蘿

海藻

各三兩

海蛤

桂心

通艸

白斂

各二兩

右七味治下篩服方寸七日三

又方

海藻

海蛤

各三兩

昆布

半夏

土瓜根

松蘿

各一兩

通艸

白斂

龍膽

各二兩

右九味治下篩酒服方寸七日二不得作重用方

又方

昆布二兩洗切如指大醋漬含咽汁盡愈

又方

海藻

一斤小品

小麥麴

一升

右二味以三年醋一升搜麴末曝乾往反醋盡合

搗為散酒服方寸七日三服忌努力

崔氏云療三

衍義

五癭總由肝家濕熱留溢筋經之患故首取昆布

海藻海蛤之鹹寒以散結利水龍膽之苦寒以降

泄滯氣通艸之甘淡以通經利竅礬石之辛烈以

治寒熱風痺松蘿之苦甘以祛風疎肝麥麴之甘

溫以消食去滯半夏之辛散以開發痰氣服用酒

者取其辛溫以流布經脈也 又方以陳醋漬麴

收斂肝邪海藻專除癭瘤結氣特生礬石力破堅

癖邪氣味雖簡略而力不減於前方也 第三方

較首方稍平於中除去龍膽礬石麥麴半夏易入桂心之辛溫以散結白斂之苦寒以散腫却無礬石之辛烈耳 第四方中九味與首方同白斂與第三方同惟土瓜根苦寒散血通痺稍為不同第五方獨用醋漬昆布以斂瘰氣之浮長 第六方專取麴佐海藻以散瘰氣之固結即二小方中用昆藻之與堅不殊而醋麴之斂散迥異用法不可不辨

五癭丸方

菖蒲

海蛤

白斂

續斷

海藻

松蘿

桂心

蜀椒

倒挂艸

半夏

各一兩

神麴

三兩

羊靨

百枚

右十二味治下篩以牛羊髓脂為丸如梧子日服

三丸

又方

取鹿靨以佳酒浸令沒炙乾內酒中更炙令香含咽汁味盡更易盡十具愈

衍義

方中菖蒲利竅海蛤消堅白斂散腫續斷營筋海藻與堅松蘿清風桂心透經蜀椒開痺半夏滌垢

神麴消滯樹中倒挂艸絕經絡病根羊靨通喉管  
結氣丸用羊髓以滋肺腎伏藏之風五癭之治備  
矣鹿走督脈靨通喉氣專取行陽之功以散陰  
結之厄不假他藥惟藉酒製以行其力

陷腫散 治二三十年癭瘤及骨瘤石瘤肉瘤脂

瘤膿瘤血瘤或息肉大如杯杼升斗十年不瘥  
致有漏潰令人骨消肉盡或堅或奠或潰令人  
驚悸寤寐不安身體瘦縮愈而復發方

烏鰂 石硫黃各一分 鍾乳  
紫石英 白石英各二分 丹參三分

琥珀 附子 胡燕屎

大黃 乾薑各四分

右十一味治下篩以韋囊盛勿泄氣若瘡濕卽傅  
若瘡乾猪脂和傅日三四以乾爲度若汁不盡至  
五劑十劑止藥令人不痛若不消加芑硝二兩佳  
衍義硫黃鍾乳紫白石英皆悍烈之性助以薑附破陰  
烏鰂丹參琥珀散結燕屎辟毒僅取大黃一味以  
泄癭瘤之旺氣并解藥石之悍烈傅之不消更加  
芑硝以輔大黃破毒之威

治癭瘤方

昆布

桂心

各一兩

逆流水柳鬚

一兩

海藻

乾薑

各二兩

羊靨

七枚 陰乾

右六味為末蜜丸如小彈子大含一丸咽津

衍義

逆水柳鬚解毒殺蟲此方用之以搜經絡中毒根

卽五癭丸中倒挂艸之意乾薑逐濕開痺卽五癭

丸中蜀椒之意昆布為癭瘤之專藥卽五癭丸中

海蛤之意海藻鹹寒佐以桂心之辛溫互司散結

之權丸用蜂蜜以滋肺胃傷殘之津借羊靨引入

喉管以通血氣也

又方

礬石

芎藭

當歸

大黃

黃連

黃芩

白斂

芍藥

各二分

吳茱萸

一分

右九味治下篩雞子黃和塗故細布上隨瘤大小

厚薄貼之乾則易著藥熟當作膿脂細細從孔中

出須探膿血盡著生肉膏若膿不盡復起如故

衍義

傅治之方首取礬石除垢白斂散結三黃祛熱芎

歸芍藥和營吳茱萸止痛雞子黃滋血少加蜂蜜

和塗則無乾燥之患也

生肉膏 治癰瘤潰漏及金瘡百瘡方

當歸

附子

甘艸

白芷

芎藭

薤白

生地黄三兩

各一兩

二兩

右七味咬咀以猪脂三升半煎白芷黃去滓稍以  
傅之日三

又方

狗屎煨雞子傅之去膿水如前方說傅生肉膏

取瘡

方見前二十卷癰疽門

義

生肉須用和血芎歸地黃為之必需血不温則肉  
不生故又須附子協助浮長之功佐以白芷解毒

生肌薤白散滯消腫甘艸為解毒生肌之首藥也

灸法

瘦惡氣灸天府五十壯

千金翼云又灸胸堂百壯

瘦上氣短氣灸肺雲門五十壯

瘦勞氣灸衝陽隨年壯

瘦氣面腫灸通天五十壯

瘦灸天衢三百壯橫三間寸灸之 又灸中封隨年

壯在兩足跌上曲尺宛宛中

諸瘦灸肩髃左右相當宛宛處男左十八壯右十七  
壯女右十八壯左十七壯或再三取瘡止 又灸風



池百壯俠項兩邊 又灸兩耳後髮際一百壯 又

灸頭衝一作頸頭衝在伸兩手直向前令臂著頭對鼻

所注處灸之各隨年壯千金翼一名臂臑

凡肉瘤勿治治則殺人慎之肘後方云不得鍼灸

陰癩第八論二首灸法四首方二十五首

論曰癩有四種有腸癩卵癩氣癩水癩其腸癩卵癩難瘥氣癩水癩鍼灸易治

治癩丸方

蜘蛛熬

桃仁各五枚

桂心

蒺藜子

地膚子

澤瀉

防風

五味子

橘皮

茯苓

防葵

芍藥各二兩

牡丹皮

細辛

海藻各一兩

狐陰一具

右十六味為末蜜丸如梧子大服十九丸稍加至三十丸

灸法

陰癩灸足大趾下理中十壯隨腫邊灸之肘後方云灸足大趾

第二節下橫文正中央五壯姚氏云足跌指本三壯

男兒癩先將兒至碓頭祝之曰坐汝兒某甲陰囊癩

故灸汝三七壯灸訖便牽小兒令確頭下向著囊縫  
當陰頭灸縫上七壯卽消已驗艾炷獨簪頭許  
大凡男癩當倚確軸以莖伸置軸上齊陰頭前灸軸  
木上隨年壯

衍義

一方通主四癩首取蜘蛛入肝以治羣丸之病金  
匱陰癩疝氣偏有大小時時上下者蜘蛛散主之  
助以桂心爲通肝之使千金并取狐陰之同氣相  
感引入陰囊受病之所囊入厥陰又須風藥佐之  
蒺藜細辛皆治腎肝內風藥也腸癩由於血結血  
屬有形之滯治須散血爲主桃仁牡丹芍藥皆佐

桂心血藥也血結之久多化爲水故又須防葵以  
散之水癩之治利水爲主茯苓澤瀉地膚子皆利  
水藥水病亦須風藥故用防風風藥能勝水濕之  
氣也氣癩不獨氣滯每兼水氣助虐雖用橘皮散  
氣須兼海藻莢堅又恐下水傷陰卽以五味子收  
斂陰津去爪癩疾故云難療氣癩水癩雖云易治  
亦須鍼灸助之

論曰有人自少至長陰下常有乾癬者宜依癬方主  
之有五勞七傷而得陰下癢濕搔之黃汁出者宜用  
補丸散主之仍須傳藥治之亦有患如精瘡者以如

精方治之夫妬精瘡者男子在陰頭節下婦人在玉門內並似疔瘡作白齊食之大痛疔即不痛也

蒺藜子湯

治虛熱石藥發熱當露臥冷濕傷肌

熱聚在裏變成熱及水病腫滿腹大氣急大小便不利腫如皮紙盛水晃晃如老蠶色陰莖堅腫為瘡水出此皆腎熱虛損強取風陰濕傷脾胃故也治之之法內宜依方服諸利小便藥外以此湯洗四肢竟以葱白膏傅之別以猪蹄湯

洗莖上方

蒺藜子

葱心青皮

赤小豆

各一升

菘菜子

二升

蒟藳

五升

巴豆

一枚連皮殼

右六味咬咀以水二斗煮取八升以淋洗腫處

猪蹄湯

治服石發熱因勞損熱盛當風露臥莖

腫方

猪蹄 一具

蒟藳 三升

蒺藜子

一升碎

葶藶子

半升

黃蘗

五兩

右五味咬咀以水一斗煮取三升冷浴陰莖日三

葱白膏方

葱白

菘菜子

葶藶子

蒟藳根

蒺藜子

丹參

各半升

猪膏五升

右七味咬咀煎如煎膏法去滓用之

衍義

癩病總屬濕熱著於厥陰風木之經故以蒺藜破惡血癥結蒴藿逐諸痺下腫菘菜子散血祛風葱心和血止痛為癩病淋洗之專藥有頑腫則兼巴豆小豆有水閉則兼葶藶黃蘗如無二者丹參猪膏和血足矣可無取於巴豆黃蘗也

治男子陰腫大如升斗核痛人所不能療者方

雄黃一兩

礬石二兩

甘艸一尺

右三味以水五升煮減半洗腫痛處

集驗方無礬石只二味

治陰腫皮癢方

熬桃仁令香為末酒服方寸匕日三

有人陰冷冷氣漸入陰囊腫滿恐死日夜疼悶外臺

作夜即痛悶不得眠方

取生椒擇令淨以布帛裹著丸囊令厚半寸須

臾熱氣通日再易取消瘥止

又方

搗莧菜根傅之

又方

以釜月下土雞子白和傅之

又方

醋和熱灰熨之

又方

車前子為末飲之

又方

醋和麵熨之

又方

煮大薊根汁服一升日三不過三劑愈

衍義

上九方除桃仁破瘀殺蟲車前利水消腫薊根兼攻水血為內服之方其餘雄礬殺蟲生椒破結伏

龍肝溫肌醋和灰熨麵熨皆取透達肝經收斂濕熱之意

治陰腫痛方

灸大敦三壯

治卒陰痛如刺汗出如雨方

小蒜

韭根

楊柳根各一斤

右三味合燒以酒灌之及熱以氣蒸之即愈

治陰痛方

甘艸末

石蜜

等分

右二味和乳塗之

衍義宗筋卒痛如刺血病無疑此必竭勞傷筋衛虛不能護持津液故汗出如雨倉卒不能措處急以三根活血止痛之味合燒酒灌熱地以氣熏蒸俟痛定汗止然後調治本虛此標本緩急之次第也  
次方無汗出如雨見證本輕但取甘緩以滋血氣較之前方緩急天淵

治如精瘡方

用銀釵綿裹以臘月猪脂熏黃火上暖以釵烙瘡上令熱取乾槐枝燒諸塗之

又方

麝香 黃礬 青礬 等分

右三味為末小便後傅上不過三度

治陰蝕瘡方

蒲黃 一升 水銀 一兩

右二味研成粉小便後即傅之瘡止

又方

狼牙兩把 切 以水五升煮取一升溫洗之日五度

又方

肥猪肉五斤水三斗煮令極爛去肉以湯令極

熱便以漬瘡中冷即愈

治陰蝕生瘡或癢方

雄黃

礬石 各二分

麝香 半分

右三味為末粉瘡上即瘥

治陰惡瘡方

蜜煎甘艸末塗之

葛氏云此見有人患莖頭腫攻下瘡瘡欲斷者以猪肉湯

漬洗之并黃柏黃連末塗之

治男女陰瘡方

石硫黃為末以傅瘡上

治男女陰癢生瘡方

嚼胡麻傅之佳

治陰下生瘡洗湯方

地榆

黃蘗 各半斤

右二味咬咀以水一斗五升煮取六升去滓適冷暖便洗瘡日再或只煮黃蘗汁洗亦佳

義

妒精瘡皆淫火之毒乘虛直犯髓藏焮發癩瘡庸

工每用銀粉劫截最速久久結成癩毒為患叵測千金用水銀於外治方中略無妨礙良非內服之比其用熏黃礬石麝香黃蘗以除濕腫槐瀟蒲黃胡麻猪脂以滋疼癢二者兼見則參合而為取裁

成法具在足以爲繩墨也

千金因本

工於用墨

設謂

此二

前

黃

孫真人千金方衍義卷二十四

終



